



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u oktobru 2025. godine



Monetarna kretanja u oktobru 2025. godine


Ukupna novčana masa (M2) na kraju oktobra 2025. godine iznosila je 41,79 milijardi KM i u odnosu na prethodni mjesec registrovano je povećanje novčane mase za 407,8 miliona KM (1,0%). Povećanje novčane mase (M2) rezultat je povećanja novca (M1) za 159,9 miliona KM (0,6%) i kvazi novca (QM) za 247,9 miliona KM (1,6%). U strukturi novca (M1), gotovina izvan banaka je povećana za 9 miliona KM (0,1%), dok su prenosivi depoziti u domaćoj valuti veći za 150,9 miliona KM (0,8%). Povećanje kvazi novca (QM) rezultat je rasta ostalih depozita u domaćoj valuti za 94,1 milion KM (2,5%) i ostalih depozita u stranoj valuti za 193,2 miliona KM (2,6%), dok su istovremeno prenosivi depoziti u stranoj valuti manji za 39,4 miliona KM (0,9%) u odnosu na prethodni mjesec.

Na godišnjem nivou, porast novčane mase (M2) u oktobru 2025. godine iznosio je 3,72 milijarde KM (9,8%). Rast je ostvaren kod gotovine izvan banaka za 504,7 miliona KM (7,4%), kod prenosivih depozita u domaćoj valuti za 2,1 milijardu KM (12,7%), kod prenosivih depozita u stranoj valuti za 313 miliona KM (7,9%), kod ostalih depozita u domaćoj valuti za 755,1 milion KM (24,2%) i kod ostalih depozita u stranoj valuti za 44,7 miliona KM (0,6%).

Monetarni agregati

(godišnje stope rasta)

2022 - 2025



Protustavka povećanju novčane mase (M2) na mjesečnom nivou u oktobru 2025. godine u iznosu od 407,8 miliona KM (1,0%) je povećanje neto strane aktive (NSA) za 220,6 miliona KM (1,0%) i neto domaće aktive (NDA) za 187,3 miliona KM (1,0%). Porast novčane mase (M2) na godišnjem nivou od 3,72 milijarde KM (9,8%) rezultat je porasta neto strane aktive (NSA) za 1,16 milijardi KM (5,3%) i neto domaće aktive (NDA) za 2,55 milijardi KM (15,7%).

Monetarni pregled

	Stanje u mil. KM X 2025	Mjesečne promjene u mil. KM			Godišnje stope rasta u %		
		VIII 2025	IX 2025	X 2025	VIII 2025	IX 2025	X 2025
Aktiva							
1. Neto strana aktiva	22.983,0	445,6	-263,0	220,6	7,0	5,1	5,3
1.1. Strana aktiva	24.954,8	438,1	-268,4	167,4	7,2	5,3	5,3
1.2. Strana pasiva	-1.971,8	7,5	5,4	53,2	10,0	8,5	4,8
2. Neto domaća aktiva	18.804,6	69,097	641,8	187,3	11,5	14,6	15,7
2.1. Potraživanja od centralne vlade (neto), kantona i opština	1.602,7	-188,7	288,4	82,1	55,9	66,8	72,1
2.2. Potraživanja od domaćih sektora	26.799,8	91,2	349,1	171,4	9,5	10,1	10,5
2.3. Ostale stavke	-9.597,9	166,5	4,2	-66,2	10,2	7,8	7,5
Pasiva							
1. Novčana masa (M2)	41.787,6	514,7	378,8	407,8	8,9	9,2	9,8
1.1. Novac (M1)	25.898,3	552,7	99,5	159,9	11,1	10,9	11,2
1.2. Kvazi novac (QM)	15.889,3	-38,0	279,3	247,9	5,4	6,4	7,5

Kreditni

Ukupni krediti domaćim sektorima na kraju oktobra 2025. godine iznosili su 28,02 milijarde KM, u odnosu na prethodni mjesec zabilježeno je povećanje kredita od 226,6 miliona KM (0,8%). Kreditni rast je registrovan kod sektora stanovništva za 161,2 miliona KM (1,1%), kod nefinansijskih javnih preduzeća za 17,1 milion KM (2,4%) i kod vladinih institucija za 58 miliona KM (4,5%). Smanjenje kreditnog rasta na mjesečnom nivou zabilježeno je kod privatnih preduzeća za 8,8 miliona KM (0,1%) i kod ostalih domaćih sektora za 1 milion KM (0,3%).

Godišnja stopa rasta ukupnih kredita u oktobru 2025. godine iznosila je 10,4%, nominalno 2,65 milijardi KM. Godišnji rast kredita registrovan je kod sektora stanovništva za 1,48 milijardi KM (11,6%), kod privatnih preduzeća za 777,2 miliona KM (7,4%), kod vladinih institucija za 90,4 miliona KM (7,2%), kod nefinansijskih javnih preduzeća za 184,1 milion KM (33,0%) i kod ostalih domaćih sektora za 116,2 miliona KM (43,0%).

Sektorska struktura kredita

	Stanje u mil. KM X 2025	Mjesečne promjene u mil. KM			Godišnje stope promjene u %		
		VIII 2025	IX 2025	X 2025	VIII 2025	IX 2025	X 2025
Ukupno	28.018,3	-23,1	348,3	226,6	9,5	10,2	10,4
Od toga:							
Stanovništvo	14.242,1	108,4	134,2	161,2	10,9	11,2	11,6
Privatna preduzeća	11.294,4	-20,2	200,2	-8,8	6,5	7,8	7,4
Vladine institucije	1.353,1	-110,0	-1,6	58,0	8,1	6,6	7,2
Javna preduzeća	742,2	-6,8	-5,0	17,1	26,6	26,9	33,0
Kreditni ostalim domaćim sektorima	386,5	5,5	20,5	-1,0	31,4	38,3	43,0

Depoziti

Ukupni depoziti domaćih sektora na kraju oktobra 2025. godine iznosili su 36,58 milijardi KM, u odnosu na prethodni mjesec depoziti su povećani za 350,2 miliona KM (1,0%). Povećanje depozita na mjesečnom nivou registrovano je kod sektora stanovništva za 207,9 miliona KM (1,1%), kod privatnih preduzeća za 52,7 miliona KM (0,6%), kod nefinansijskih javnih preduzeća za 33,9 miliona KM (1,7%), kod vladinih institucija za 44,8 miliona KM (0,9%) i kod ostalih domaćih sektora za 10,9 miliona KM (0,5%).

U strukturi depozita stanovništva, najveći dio se odnosi na transakcione račune (49,4%), koji su u odnosu na prethodni mjesec veći za 1,0%, depoziti po viđenju (20,4%) su veći za 1,0%, dok su oročeni depoziti (30,2%) veći za 2,1%.

Godišnja stopa rasta ukupnih depozita u oktobru 2025. godine iznosila je 10,7%, što je u apsolutnom iznosu 3,55 milijardi KM. Godišnji rast depozita registrovan je kod sektora stanovništva za 1,98 milijardi KM (11,6%), u čijoj strukturi su transakcioni računi porasli za 16,5%, depoziti po viđenju za 6,6% i oročeni depoziti za 7,6%. Rast depozita je također zabilježen kod privatnih preduzeća za 756,9 miliona KM (9,7%), kod vladinih institucija za 669,6 miliona KM (15,8%) i kod ostalih domaćih sektora za 159,4 miliona KM (8,3%). Depoziti su na godišnjem nivou smanjeni kod nefinansijskih javnih preduzeća za 18,5 miliona KM (0,9%).

Sektorska struktura depozita

	Stanje u mil. KM X 2025	Mjesečne promjene u mil. KM			Godišnje stope promjene u %		
		VIII 2025	IX 2025	X 2025	VIII 2025	IX 2025	X 2025
Ukupno	36.578,8	395,9	189,2	350,2	10,4	10,3	10,7
Od toga:							
Stanovništvo	19.091,2	169,7	116,1	207,9	11,3	11,5	11,6
Privatna preduzeća	8.540,2	194,3	211,9	52,7	8,3	9,9	9,7
Vladine institucije	4.897,9	25,2	-187,8	44,8	18,5	14,8	15,8
Javna preduzeća	1.977,5	5,0	43,2	33,9	-5,2	-0,6	-0,9
Depoziti ostalih domaćih sektora	2.072,0	1,7	5,9	10,9	8,6	3,6	8,3

Devizne rezerve

Devizne rezerve Centralne banke BiH na kraju oktobra 2025. godine iznosile su 18,28 milijardi KM i na godišnjem nivou su povećane za 1,24 milijarde KM (7,3%).